

THE FIRST EPISTLE OF PAUL THE APOSTLE TO THE THESSALONIANS

1 ¹Shíí Paul, Silvánus, ła'íí **Timótheus** biłgo, Bik'ehgo'ihí'nań nohwiTaa ła'íí Jesus Christ nohweBik'ehń biláhyú Thessalonícagee ínashood ha'ánałséhíí bich'í' k'eda'iilchii: Bik'ehgo'ihí'nań nohwiTaa ła'íí Jesus Christ nohweBik'ehń biłgoch'oba'íí ła'íí bits'á'dí' ilch'í'gont'ééhíí bee nohwich'í' goz'ąą le'. ²Dábik'ehn Bik'ehgo'ihí'nań bich'í' nohwa'ihédaandzigo nohwá da'ohiikaąh. ³Nohwi'odłá'híí bighą nt'éégo ánádaaht'íłhíí, nohwił ijọqhíí bighą nyeego nada'ohsiidíí, ła'íí Jesus Christ nohweBik'ehń nádáhíí ndaahołíhíí bighą dayúweh dahdaanołdqhíí Bik'ehgo'ihí'nań nohwiTaa daahohiikaąhgee dábik'ehn bínádaahiilniih; ⁴Shik'íyú, Bik'ehgo'ihí'nań bił daanohshóni, Bik'ehgo'ihí'nań hanánohwehesnilgo bídaagonłzi. ⁵Yati' baa gozhóni baa nohwił nadaagohiilni'dá' doo yati' zhá bee nohwich'í' yádaahiilti' da ni', ndi yati' binawod golíigo Holy Spirit nohwinkááyú yałti', ádí' da'aníihí bídaagosolşiid; nohwitahyú nahiikaidá' nohwíí nohwichą hago ánádaaht'íł lán shi n'íí bídaagonłsi. ⁶NohweBik'ehń hik'e néé biłgo nohwedaanołt'ee daasolji; doo ałch'ídéyú nohwich'í' nagont'og da ndi, Holy Spirit binkááyú nohwił daagozhógo yati' nádaagodo'ąą. ⁷Áík'ehgo Macedóniagee ła'íí Akéyagee Jesus daayodlaaníí dawa nohwíí nohwi'at'e' daineł'íigo nohwikísk'eh ádaat'ee daasilji. ⁸Macedóniagee ła'íí Akéyagee nnee nohwits'á'dí' Bik'ehgo'ihí'nań biyati' yídaagołşiid, doo da'ágee zhá da, ndi ilts'á'yú akdó' Bik'ehgo'ihí'nań daahohdłąhíí bígoziid; áí bighą doo hagot'éégo nt'é daan'nií bik'eh da. ⁹Hagot'éégo nohwaa nkaihíí dabíí nohwaa nadaagolni', ła'íí nohwíí k'e'eshchín bits'á'zhí' ádaasohdzaago Bik'ehgo'ihí'nań hináhi hik'e da'aníhi bá nada'ohsiid; ¹⁰Ła'íí án biYe' yaaká'dí' nádáhíí biba' ádaanoht'eego nohwaa nadaagolni', án daztsądí' naadiidzaago áyíłlaa, Jesus holzéhi, Bik'ehgo'ihí'nań hashkeego nohwiniidaagodiléhíí yits'á' nohwiñili at'éé.

2 ¹Shik'íyú, doo daazhógo nohwaa nkai dahíí nohwíí bídaagonłsi:
²Philippi golzeegee ilk'idá' nchọgo nohwich'í' na'isdziidgo

nohwiniidaagodeszaa bídaagonoŋsɪ, ndi áí bikédí'go nnee nohwich'í nada'iziid ndi Bik'ehgo'ihí'nań binkááyú doo bédaahiildzid dago Bik'ehgo'ihí'nań biyati' baa gozhóni baa nohwił nadaagosiiłni'.

³İch'igont'aahíí doo lé'ichoohíí bits'á'dí'go da, ła'íí doo ncho'go nats'í'keesíí bits'á'dí'go da, doo nnee bich'í' nahich'aago da: ⁴Áídá' yati' baa gozhóni baa nadaagohiiłni'go Bik'ehgo'ihí'nań biłdábik'ehgo nohwá ngon'áá, áík'ehgo nnee doo bił daagoyilzhó'go da, áídá' Bik'ehgo'ihí'nań nohwííí nayintaahíí zhá bił goyilzhó'qíí bighá yati' baa gozhóni baa nadaagohiiłni'. ⁵Nohwíí nohwá bídaagonoŋsɪ, doo daazhógo ádaan'niigo yati' baa gozhóni bee nohwich'í' yádaahiilti' da, doo dawahá ídáhádaahiit'íígo bił yaa na'siiltsooz da: áí Bik'ehgo'ihí'nań nohwá yígótsɪ: ⁶Doo nnee daanohwidnɪsɪhíí biká daadéet'íígo da, doo daanohwidinɪsɪgo da, ła'íí ałdó' doo daanohwidnɪsɪgo da, Christ binal'a'á daandliłhíí bighá nohwída'dokeed le'at'éhi, áídá' doo ágádaan'nií da, áík'ehgo doo nadaanohwinłt'og da. ⁷Áídá' nohwitahyú nahiikaidá' nłt'éégo ádaanohwinzi ni, isdzán bichagháshé nłt'éégo áyíłsɪhíí k'ehgo: ⁸Dázhó nohwił daanohsho'qíí bighá Bik'ehgo'ihí'nań biyati' baa gozhóni baa nohwił nadaagohiiłni', ndi doo áí zhá da, danéé nohwaa ádaadint'aah, nohwik'íí daandziłhíí bighá. ⁹Shik'íyú, nada'iidziid n'íí, góy'éégo nohwich'í' nadaagowaa n'íí bínádaałniih: Bik'ehgo'ihí'nań biyati' baa gozhóni baa nohwił nadaagohiiłni'dá' doo nadaanohwinłt'og da doleełhíí bighá t'é'gee hik'e jiiígee nada'iidziid ni'. ¹⁰Akú, Jesus daahohdłahíí, nohwitahyú nahiikai n'dá' daagodinłzigo ádaant'eego, dábik'ehyú ádaant'eego, ła'íí doo hadín nt'é nohwik'izhí' yidi'aah dago ádaant'ee ni' nohwá bídaagonoŋsɪ, Bik'ehgo'ihí'nań ałdó' nohwá yígótsɪ: ¹¹Díí ałdó' nohwá bídaagonoŋsɪ, nnee bichagháshé yich'í' yádaałti'híí k'ehgo, néé ałdó' dała'á not'íígo nohwił daagozhó'go ádaanohwidle' ni, ła'íí nohwił ch'ídaagosiił'aa ni', ¹²Bik'ehgo'ihí'nań bik'eh soht'íígo daahinohnaa le', daanohwiłn'niid, án biláłt'áhgee ła'íí bits'á'dindláádíí goz'aa yune' daanohwokéed. ¹³Díí ałdó' bighá Bik'ehgo'ihí'nań dába'ihédaandzi nt'éé, Bik'ehgo'ihí'nań biyati' baa nohwił nadaagohiiłni' n'íí nádaago'aa'dá', doo nnee biyati'híí k'ehgo da ndi da'anii Bik'ehgo'ihí'nań biyati'híí bighá nádaagodo'aa, áí yati' daahohdłahíí nohwiyi' nłt'éégo na'iziid. ¹⁴Nohwíí, shik'íyú, Judéayú Christ Jesus binkááyú Bik'ehgo'ihí'nań daayoka'qahgo ha'ánáłséhíí bedaanolt'ee daasolił, áí Jews daanliiníí biniidaagodnɪsɪhíí k'ehgo nohwíí ałdó' nohwitahyú daagolíníí nohwiniidaagodnɪsɪ: ¹⁵Jews daanliiníí bik'ehgo Jesus nohweBik'ehń zesdji, Bik'ehgo'ihí'nań binkááyú nada'iziid n'íí ałdó' nadaiłtseed, ła'íí néé nohwiniidaagodnɪsɪ; áí Bik'ehgo'ihí'nań doo yiłgoyilshó' da, ła'íí nnee dawa yich'í' nada'iziid: ¹⁶Doo Jews daanliłi dahíí bich'í' yádaahiilti'go hasdákáh doleełí doo hádaanohwit'íí dahíí bighá dabíí bincho'íí łá'ágo ádaayolił; áík'ehgo áníita Bik'ehgo'ihí'nań hashkeego biniidaagodiléhíí biká'zhí' ádaile'. ¹⁷Shik'íyú, déł'ih nohwits'á' ohikai, k'adíí doo daałit'íí da ndi nohwííí bee dała'á daandlił, ła'íí k'azhá nádaanohwiłtséh. ¹⁸Áík'ehgo ch'éh nohwich'í'

nádnkáhgo ádaahiit'íí, shíí Paul, doo ałch'ídnđi nohwich'í' nádishdáh háshť'íí, ndi ch'iidn nant'án t'aazhí' daanoht'wotą'. ¹⁹Jesus Christ nohweBik'ehń nádzáágo bińáál nť'éhishą' ndaahóndlii? Nť'eshą' bighą nohwił daagozhqó doleeł? Nť'eshą' bighą dant'é hobijihíí nohwaa hit'áah doo? Nohwíí nohwichą go'íí. ²⁰Nohwíí nohwichą ıdaada'óndlii, ła'íí nohwíí nohwichą nohwił daagozhqó.

3 ¹Dázhqó nohwa'ikodaanihiidzjį hádaahiit'ííhíí bighą dasahndi Athensgee siikeehíí nohwił dábik'eh; ²Áík'ehgo **Timótheus**, nohwik'isn, akú odaasiil'a, án Bik'ehgo'ihí'nań yána'iziidi, Christ baa yati' baa gozhóni baa yádaahiilti'go bił nada'idziidi, án nohwi'odla' nđzilgo ádaanoht'wile'go ła'íí nohwidag yałti'go nohwich'í' odaasiil'a: ³Goyéégo nohwich'í' nagowaahíí bighą nńee doo ła' bi'odla' yits'ą'zhí' anńe' da doleełhíí bighą nohwich'í' odaasiil'a: dánohwíí bídaagonołsį goyéégo nohwich'í' nagowaago nohwá goz'ąą. ⁴Da'anii akú nohwił naháataądą' nohwił nadaagoihilńi' n', goyéégo nohwich'í' nagowaa doleełgo; áí begolzaago bídaagonołsį. ⁵Na'intaahíí dńnko nanohwíneztąąđ noli dant'éhéta bee, áík'ehgo nohwitahyú nohwinasdziiđi' da'łłi'zhí' hileeh noli nsigo dázhqó nohwa'ikoniisjį hasht'íígo nohwi'odla'íí bígonsijihíí bighą ła' nohwich'í' o'á'. ⁶K'adıí **Timótheus** nohwits'ą'đi' nohwaa nadzáágo nohwi'odla'íí, nohwi'ijóóni' biłgo dázhqó nť'éégo yaa nohwił nagolńi', nť'éégo dábik'ehń nohwinádaańi'ih łaą, ła'íí néé k'azhą nádaanoht'wilt'séhíí k'ehgo nohwíí k'azhą nádaanoht'wilt'séhgo nohwił nagolńi': ⁷Áík'ehgo shik'íyú, néé nohwich'í' nadaant'ogee ła'íí góyéégo nohwich'í' nagowaagee nohwíí nohwichą nohwił nádaagojọq, nohwíí nohwi'odla'íí bighą: ⁸K'adıí da'anii daahin'naa, nohweBik'ehń binkááyú nđzilgo nasozijihíí bighą. ⁹Bik'ehgohin'naahíí binadzahgee dázhqó nohwichą nohwił daagozhqó, áík'ehgo hagot'éégoshą' Bik'ehgo'ihí'nań nohwichą ba'ihédaandzjį doleeł? ¹⁰T'é'gee hik'e jįjįee dáda'ohiikaąh nť'éé, nádaanoht'wilt'séh hádaahiit'ííhíí bighą, nohwi'odla'íí ła' t'ah doo be'ádaanoht'ee da shihíí nť'éégo nohwá ánálńe'go hádaahiit'íí. ¹¹Bik'ehgo'ihí'nań dábíí, án nohwiTaa nłni, ła'íí Jesus Christ nohweBik'ehń, nohwich'í' nkáhíí nohwá iłch'į'gole' ndi at'éé. ¹²Łił daanoht'wóni' ła'íí nńee dawa nohwił daanzhooníí nohweBik'ehń dayúweh nohwá ígohiigháhgo áyíłsį le', néé nohwich'í' ádaant'eehíí k'ehgo: ¹³Jesus Christ nohweBik'ehń nńee báhadaadeszaahíí yil nakáhgo, Bik'ehgo'ihí'nań nohwiTaa binadzahgee nohwijíí doo baa dahgoz'ąą dago, ła'íí nchq'íí da'áđi'ngodilzihgo ánoht'wile' doleełhíí bighą ágádaanoht'ee.

4 ¹Díí ałdó, nohwik'íyú, nádaanoht'wihikaąh, ła'íí Jesus nohweBik'ehń biláhyú nohwidag yádaahiilti', nohwił ch'ídaasiit'ąąhíí bikísk'ehyú ádaanoht'ee le', ła'íí Bik'ehgo'ihí'nań bił daagonołshqógo dayúwehyú ágádaanoht'ee le'. ²Jesus nohweBik'ehń nohwinkááyú yati' bikísk'eh ádaanoht'ee go nohwił ch'ídaasiit'ąąhíí bídaagonołsį. ³Bik'ehgo'ihí'nań hadaanoht'wile'go hádaanoht'wilt'íí, doo nant'í' nahkaigo da: ⁴Dał'á

notijgee nohwits'ihíí daadinołsigo, ła'íí nchq'íí doo bee ánadaaht'ííł dago ídaa daagonohdzaq; ⁵Doo Jews daanlii dahíí, Bik'ehgo'ihí'nań doo yídaagołsı dahíí, ádaat'ííhíí k'ehgo nchq'go hádaat'íiníí doo baa ádaadinoht'aah da: ⁶Nnee doo nt'é bee ła'ihı yich'ı' na'iziı da le': díí k'ehgo doo bik'ehyú ádaat'ee dahíí dawa nohweBik'ehń yiniidaagodile'go íłk'idá' nohwił nadaagosıilni'. ⁷Bik'ehgo'ihı'nań doo nchq'go ádaant'ee doleełgo daanohwokéed da, áídá' daagodinłzı doleełgo daanohwokéed. ⁸Hadıń díí yati'íí doo íłıı dago yaa natsekeesı, doo nnee yich'ı' at'éé da, áídá' Bik'ehgo'ihı'nań, Holy Spirit nohwaa daidez'aaníí, án doo íłıı dago yaa natsekees. ⁹Bik'ehgo'ihı'nań dabıí íłk'idá' hıł daanohjoggo nohwił ch'ıdaagoz'aq: áık'ehgo nohwik'isyú nohwił daanzhqogo doo hagot'éégo ágánánohwiłdish'niigo nohwich'ı' k'e'eshchii bik'eh da: ¹⁰Macedóniagee nohwik'isyúhıí da'anıi dawa nohwił daanzhqo; dayúweh ágádaanoht'eego nádaanoht'wohııkqah; ¹¹Ła'íí nkegohen'áqgo daagonohłijigo bıdaagonoł'aah, nohwinasdziıdíí dánohwıí nádaanoht'wıńłt'og le', dánohwıí nohwigan bee nohwinasdziıdíí ádaal'ijı le', ádaanoht'wıń'niı n'ıí k'ehgo; ¹²Ágádaanoht'eeyúgo doo nohwıtahyú daanlii dahıí daanohwidnłsı doleeł, ła'íí doo nt'é bíđih ádaanoht'ee da doleeł. ¹³Shik'ıyú, **da'ıłhoshıí** hago'ádaat'ee shıhıí bıdaagonołsıjıhgo hasht'ıı, doo daachag da doleełhıí bigha, dahazhı' ihı'naa doo ndaayołıı dahıí daachagıı k'ehgo. ¹⁴Jesus daztsaqđı' naadiıdzáhi daahohııdłaqayúgo, da'ái k'ehgo ałdı' hadıí Jesus daayodłaqo **da'ıłhoshıí** Bik'ehgo'ihı'nań Jesus bıłgo yıł nakáhi at'éé. ¹⁵Dıí nohweBik'ehń ádaanoht'wıń'niigo ágádaanoht'wıń'niı, nohweBik'ehń nádzáago néé t'ah daahın'naago kú naháataanıí nanezna'ıı doo dabıntse nkáh da. ¹⁶NohweBik'ehń áđıđ hadodzıhgo dabıí yaaká'dı' bıł nkegowáh, Bik'ehgo'ihı'nań binal'a'a yaaká'yú da'tıseyú sıtınıhıí hadziigo, Bik'ehgo'ihı'nań béshdilwoshé yee ánnııdgo: áıgee Christ daayodłaqo nanezna'ıhıı da'ıtsé naadıkáh: ¹⁷Áıdı' néé t'ah daahın'naago kú naháataanıí, áı bıł dała' yaak'os biyi'zhi' nánohwıdı'do'nił, áıgee nohweBik'ehń baa nkáh, áıdı' godezt'ıgo dahazhı' nohweBik'ehń bıł daandlii doleeł. ¹⁸Áı bigha díí yati'ıı bee ıłdag yádaal'tı' le'.

5 ¹Shik'ıyú, hagee goldohıí, hagee yołkaalıı Jesus nádaalıı doo bigha nohwich'ı' bek'e'eshchii da. ²Dánohwıí íłk'idá' nt'éégo bıdaagonołsı, nohweBik'ehń nádaalıı bijıı in'ıjıhıı t'éégo nagmaahıı k'ehgo nadáh. ³Nkegohen'áq, daanııdá' isdzán bizhaazhé goleełgo bıł nádı'dınihıı k'ehgo dágosıle goyéégo goldohıí bee baa godogaal; doo bee bits'á' gónáhgo da. ⁴Áıdá' nohwıí shik'ıyú, doo chagołheeyú nahkai da, áık'ehgo áı bijııhıı doo in'ıjıhıı k'ehgo bee nohwaa godogaal da. ⁵Nohwıí dawa idındlıád zhınéégo, jıı zhınéégo ádaanoht'ee: doo t'é' zhınéégo da, doo chagołheel zhınéégo ádaant'ee da. ⁶Áı bigha halaa, doo da'ıılwosh da le', ła' ádaat'eehıı k'ehgo, áıdá' daadéet'ijıgo ídaa daagondzaq le'. ⁷Hadıí da'ıłhoshıı t'éégo da'ıłhosh, hadıí bıł nádaagodeyısıı t'éégo bıł nádaagodeyıs. ⁸Áıdá' néé, jıı zhınéégo daandliinıı,

halaa, ídaa daagondzaa le', nohwi'odla' la'íi nohwił'íjóóníi besh nohwiłí
 naztaqahíi k'ehgo ádaagohiidle' le'; hasdáhiikáhíi ndaahóndliihíi besh ch'ahíi
 k'ehgo ádaagohiidle' le'. ⁹Nohwiniidaagodile'íi Bik'ehgo'ihí'nań doo nohwá
 hát'íi da, áídá' nohweBik'ehń Jesus Christ biláhyú hasdánkaahgo nohwá
 ngon'áá, ¹⁰Áń nohwá daztsaqahíi bigha daahin'naa dagohíi nane'na' ndi dabíi
 bíl daagondlii doleeł. ¹¹Ái bigha dayúweh nohwił daagozhóqo ádaańnołzigo
 hadag ádaańnołzi le', íłk'idá' ágádaanoht'eehíi k'ehgo. ¹²Nohwik'íiyú, díńko
 nádaanohowiikaaqah, nohwiłahyú nada'iziidíi nohweBik'ehń biláhyú nohwá
 nazjigo nohwił ch'ídaago'aahíi daadinołsi le'; ¹³Nada'iziidhíi bigha daadinołsigo
 nohwił daanzhoq le'. Nkegoheń'áńńi nohwiłahyú begoz'aa le'. ¹⁴Shik'íiyú, bíl
 daagoyéhíi, nada'ohsiid daabiłdohńii, bijíi doo ndzil dahíi bidag yádaakti, doo
 ndzilgo nazji dahíi bich'odaahńii, la'íi nnee dawa bich'i' nł'éego ádaanoht'ee,
 daanohowińńii. ¹⁵Dahadń doo bik'ehyú ádaanohowizlaa dayúgo doo iké'déńá
 ágánaadaahdle' da, áídá' íłch'i' nł'éego ádaanoht'ee, la'íi nnee dawa bich'i'
 nł'éego ádaanoht'ee. ¹⁶Dá nohwił daagozhóq nł'ée le'. ¹⁷Dá da'ohkaqah nł'ée le'.
¹⁸Dawahá bigha ihédaanołsi: díi k'ehgo Bik'ehgo'ihí'nań nohwá hát'íi, Jesus
 Christ biláhyú. ¹⁹Holy Spirit doo t'aaqzh'i' daahonohta' da. ²⁰Bik'ehgo'ihí'nań
 binkááyú yałti'íi, yaa yádaakti'íi doo da'íłńéego baa natsídaahkees da. ²¹Dawa
 ntsé bídaanohtáh; nł'éego ágot'eehíi ndzilgo daahonohta'. ²²Áídá' doo bik'ehyú
 ágot'ee dahíi dawa bits'á'zh'i' ádaanoht'ee le'. ²³Bik'ehgo'ihí'nań, bits'á'dí'
 íłch'i'gont'ééhíi, dabíi hadaanołwidóle'; nohwispirit-híi, nohwiyi'siziiníi,
 nohwits'íi bíłgo dahot'éhé doo hagoť'éego nohwaa dahnagoz'aa dago
 nohweBik'ehń Jesus Christ nádaałzh'i' Bik'ehgo'ihí'nań ádaanołwiłsi doleełgo
 nohwá oshkaqah. ²⁴Nohwíka áńńiidń da'áńíiyú át'éhi nlii, áń dawa łayile'.
²⁵Shik'íiyú, nohwá da'ohkaqah. ²⁶Nohwik'íiyú dawa daagodinołsigo daahołts'qs
 le'. ²⁷NohweBik'ehń shinkááyú gádaanołwiłńii, Díi naltsoosíi nohwik'íiyú,
 ínashood daanłńi, dawa bich'i' daahohshíi. ²⁸NohweBik'ehń Jesus Christ
 bíłgoch'oba'íi bee nohwich'i' goz'aa le'. Doleełgo at'éé.